

- 152 Útgerðarstöðin Bakki við Hvanneyrarbakka, eig. Vigfús Friðjónsson.
19. ágúst Kamsbreitur og
Lúðviksreitur nr. 1 og 2, eig. Óliuverzlun Íslands.

Samþykkt þessi öðlast gildi 1. september 1953 og gildir í 5 ár frá þeim degi að telja. Birtist hún hér með til eftirbreytni öllum þeim, sem hlut eiga að máli.

Félagsmálaráðuneytið, 19. ágúst 1953.

Steingrímur Steinþórsson.

Hjalmar Vilhjálmsson.

- 153
26. ágúst

REGLUGERÐ

fyrir vatnsveitu Patrekshrepps.

1. gr.

Hreppsnefnd Patrekshrepps hefur einkarétt til reksturs vatnsveitu og sölu vatns á því svæði, er hún nær yfir og getur fullnægt, svo og á Patrekshöfn.

2. gr.

Hreppsnefnd fer með yfirstjórn vatnsveitunnar. Heimilt er henni að ráða sérstakan umsjónarmann, er hafi eftirlit með vatnsveitukerfinu. Hreppsnefnd hefur á hendi reikningshald vatnsveitunnar og innheimtu. Reikningsárið er almanaksárið og skulu reikningar vatnsveitunnar endurskoðaðir með hreppsreikningum ár hvert.

3. gr.

Vatnsveitan lætur leggja aðalvatnsæðar um kaupúnið svo víða sem fært þykir, svo að húseigendur eigi greiðan aðgang að þeim í fyrirhuguðu vegarstæði, götu eða opnu svæði, er lóðir þeirra eða stofnæðar eldri vatnsveitna, sem fyrir eru, liggja að eða eru í námunda við. Vatnsveitan sjái um viðhald og endurbætur á stofnæðum hinna eldri vatnsveitna, sem tengdar verða við hina nýju vatnslögn. Jafnframt verða öll þau hús, sem þannig tengjast vatnsveitunni, gjaldskyld samkvæmt gjaldskrá þessari, sbr. 7. gr. Frá aðalæðum skulu húseigendur leggja vatnsæðar í hús sín á sinn kostnað.

4. gr.

Hver sá, sem vill komast í samband við vatnsveitu Patrekshrepps, skal senda hreppsnefnd umsókn þar um.

5. gr.

Umsjónarmaður vatnsveitunnar hefur eftirlit með öllu, sem að vatnsveitunni lýtur, og er öllum neytendum skylt að fara að fyrirmælum hans um efni, lagningu og viðhald vatnsæða sinna, og annast viðgerðir og endurbætur tafarlaust, ef hann telur þess þörf.

6. gr.

Umsjónarmanni vatnsveitunnar er heimilt að loka vatnsæðum fyrir þeim, sem eftir ítrekaða áminningu eyða vatni að óþörfu, nota það svo óþrifum valdi eða vanrækja að annast nauðsynlegt viðhald á pípum sínum og tækjum, sem við þær eru tengd. Bannað er að tengja vélar við vatnsveituna, nema með sérstökum samningi við hreppsnefndina, einnig er óheimilt að taka vatn úr brunahönum vatnsveitunnar, án leyfis hreppsnefndar eða þess aðila, sem hreppsnefndin felur slökkvistarf

í hreppnum. Umsjónarmaður vatnsveitunnar getur lokað fyrir vatnið meðan hreinsun eða viðgerð fer fram á geymi eða æðum vatnsveitunnar, enda skal slíkt tilkynnt fyrir fram, ef þess er kostur. 153 26. ágúst

7. gr.

Af öllum húsum á vatnsveitusvæðinu, sem virt eru til fasteignamats og vatni er veitt í eða úr næst til vatnsæða, sbr. 3. gr., skal greiða vatnsskatt. Skatturinn skal lagður á eftir lögskipaðri fasteignamatsvirðingu húsanna og telst húshluti, sem virtur er sér til fasteignamats í þessu sambandi, sem heilt hús. Skatt skal einnig greiða eftir virðingarverði fastra véla, sem í húsunum eru, ef þær eru vátryggðar ásamt því, og nota vatn úr vatnsæðum hreppsins.

8. gr.

Af öllum húsum á vatnsveitusvæðinu, sem svo er ástatt um, sem um ræðir í 7. gr., skal greiða vatnsskatt 10% — tíu af þúsundi — fasteignamatsverðs árlega, þó skal lágmark skattsins vera kr. 100.00 fyrir hvert íbúðarhús; auk þess skal greiða kr. 75.00 fyrir hverja íbúð, sem húið er í, umfram eina í hverju húsi.

9. gr.

Af húsum, sem nota vatn til annars en venjulegra heimilisþarfa vegna atvinnu, sem í þeim er rekin og útheimtir mikið vatn, svo sem verksmiðjur, frystihús, iðnaðarfyrirtæki o. fl., skal greiða í vatnsskatt 30% — þrjátíu af þúsundi — af fasteignamatsverði. Heimilt er hreppsnefnd að krefjast greiðslu samkvæmt vatnsmælum, og skal þá greiða allt að 90 aura fyrir hverja smálest upp að 1000 smál., og allt að 50 aura fyrir hverja smál., sem umfram er.

10. gr.

Fyrir vatn til skipa greiðist kr. 10.00 fyrir smálest, en minnsta gjald skal þó vera kr. 30.00 fyrir skip. Þá er hreppsnefnd heimilt að ákveða, að Patrekshöfn greiði vatnsveitunni ákveðna upphæð á ári í vatnsskatt, eftir ákvörðun hreppsnefndar, enda hafi höfnin þá allar tekjur af vatnssölu þeirri, er fram fer í höfninni, og beri allan kostnað við afgreiðslu vatnsins og innheimtu.

11. gr.

Fyrir önnur vatnsnot, en hér hafa verið nefnd, skal greiða samkvæmt samkomulagi við hreppsnefnd.

12. gr.

Nú hrökkva ekki tekjur vatnsveitunnar fyrir gjöldum og getur þá hreppsnefndin ákveðið fyrir eitt ár í senn að hækka vatnsskattinn um allt að 50%.

13. gr.

Gjalddagi vatnsskatts skal vera 1. júlí ár hvert. Vatn til skipa skal greiða við afhendingu, nema gjaldfrestur hafi verið veittur. Vatnsskatt má taka lögtaki í hinu skattskylda húsi eða atvinnufyrirtæki, án tillits til eigendaskipta. Skatturinn nýtur lögveðsréttar í eigninni næstu tvö ár eftir gjalddaga, með forgangsrétti fyrir hvers konar samningsveði eða aðfararveði.

14. gr.

Brot á reglugerð þessari varða sektum allt að 500 krónum, nema þyngri refsing liggi við að lögum.

- 153 Reglugerð þessi, sem samin er og samþykkt af hreppsnefnd Patrekshrepps, 26. ágúst staðfestist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist hér með til eftirbreytni öllum þeim, er hlut eiga að máli.

Félagsmálaráðuneytið, 26. ágúst 1953.

F. h. r.

Hjálmar Vilhjálmsson.

Hallgrímur Dalberg.

- 154 28. ágúst

AUGLÝSING

um bann gegn hundahaldi í Seltjarnarneshreppi.

Hreppsnefnd Seltjarnarneshrepps hefur hinn 31. marz 1953 samkvæmt heimild í 1. gr. laga nr. 7 3. febrúar 1953, um hundahald og varnir gegn sullaveiki, bannað allt hundahald í Seltjarnarneshreppi í Kjósarsýslu.

Framangreind samþykkt hreppsnefndar Seltjarnarneshrepps staðfestist hér með til að öðlast gildi þegar í stað.

Heilbrigðismálaráðuneytið, 28. ágúst 1953.

F. h. r.

Gústav A. Jónasson.

Ragnar Bjarkan.

- 155 31. ágúst

AUGLÝSING

um breyting á samþykkt fyrir framræslu- og áveitufélag Ölfusinga, nr. 62 frá 3. maí 1939.

6. gr. samþykktarinnar orðist svo:

Á kostnað áveitufélagsins skal gera alla aðalframræslu- og áveituskurði og nauðsynlegar stíflur í þá, svo og alla aðalflóðgarða, sem nauðsynlegir eru að álitum jarðræktarráðunauts Búnaðarfélags Íslands og stjórnar áveitufélagsins. Enn fremur skal gera á kostnað félagsins þau mannvirki, sem nauðsynleg eru til farvegsbreytinga á Varmá og Sandá, til að fyrirbyggja landspjöll á engjalöndum af völdum ána.

Framkvæmdum og fyrirkomulagi mannvirkja skal haga samkvæmt áætlun og uppdráttum jarðræktarráðunauts Búnaðarfélags Íslands, dags. 3. febrúar 1937, og þeim viðaukum og breytingum, sem á þeim hafa verið gerðar og kunna að verða gerðar.

Aftan við 7. gr. komi ný málsgrein, svo hljóðandi:

Viðhaldskostnaður minni háttar flóðgarða og flóðgátta í sambandi við þá, sem eigi koma nema einu lögbýli að notum og eigi hafa þýðingu fyrir heildarnot